



Vischnaunca
Tujetsch

Protocol dalla 17. radunonza da vischnaunca

dils 17 da matg 2026

allas 19.00 en sala da scola a Sedrun

**Protocol nr. 17 dalla radunonza da vischnaunca dils
17 da zercladur 2026 allas 19.00 entochen allas 20.49
en sala da scola a Sedrun**

Presidi:	Martin Cavegn (president communal)
Protocollista:	Simona Giossi (menadra administraziun)
Dumbravuschs:	Silvio Schmid, president dalla cumissiun da gestiun Reto Schmid, commember dalla cumissiun da gestiun
Presents:	62
Perstgisas:	Daniel Schmid, vicepresidente communal Pius Cavegn, gerau Maurin Cavegn, president dalla cumissiun da gestiun Nicoletta Marino Vendelin Cavegn Scalem ault dalla Scola Sedrun

Tractandas:

1. Beinvegns e constataziuns
2. Protocol dalla radunonza da vischnaunca nr. 15 dils 22 d'avrel 2026
3. Elecziun dils commembers dallas cumissiuns permanentas (cumissiun da baghegiar e cumissiun da verificaziun) pil trienni 2026-2029
4. Informaziun davart il project da sanaziun e valurisaziun dil baghetg dalla Scola Sedrun
5. Orientaziuns
6. Varia

Tractanda 1 Beinvegni e constataziuns

Il president communal fa in cordial beinvegni a tuttas convischinas e tuts convischins sco era als commembers dalla cumissiun da gestiun tier la 17-avla e davosa radunonza da vischnaunca dil trienni 2023-2026.

Plinavon pren el la caschun e gratulescha cordialmein al niev deputau el Cussegl Grond, Silvio Schmid.

Tractanda 2 Approbaziun dil protocol dalla radunonza da vischnaunca nr. 15 dils 22 d'avrel 2026

Suenter ch'il protocol nr. 15 dils 22 d'avrel 2026 ei vegnius publicaus en nies fegl official La Tuatschina nr. 9 dils 1 da matg 2026 ein neginas protestas vegnidas inoltradas el decuors da 30 dis dapi la publicaziun. Il protocol ei cheutras approbaus.

Tractanda 3 Elecziun dils commembers dallas cumissiuns permanentas (cumissiun da baghegiar e cumissiun da verificaziun) pil trienni 2026-2029

Il president declara che tenor art. 20 lit. 3 dalla lescha davart ils dretgs politics succedan elecziuns alla radunonza da vischnaunca cun maunpli, aschinavon ch'ei hagi buca dapli candidats che personas che seigien d'eleger. Per il post vacant dalla cumissiun da baghegiar havein nus dapli candidats che posts libers. Aschia sto l'elecziun succeder en moda da scrutini.

Ils suandonts 6 commembers stattan a disposiziun per la cumissiun da baghegiar, la quala secumpona da 4 commembers (1 commember ex officio/suprastonza). Il president communal tschenta la damonda schebein la radunonza da vischnaunca vegli aunc proponer ulteriuras personas sco candidats. Neginas ulteriuras propostas ein vegnidas inoltradas, aschia che l'elecziun vegn fatga en moda da scrutini culs suandonts candidats:

Hubert Solèr, 1968, cauluvrer, Sedrun (veder)

Bruno Caduff, 1987, cussegliader d'energia, Sedrun (veder)

Ursin Schmid, 1974, meinafatschenta, Bugnei (veder)

Martin Cavegn, 1992, inschignier energias regenerablas, Sedrun (niev)

Vendelin Cavegn, 1972, responsabel da project, Rueras (niev)

Gabriel Giossi, 1972, sorprendider, Camischolas (niev)

(Duront ch'il biro electoral ed ils dumbravuschs dumbran e controlleschan ils cedels da votar, fa il president communal la transiziun tier l'informaziun pertuccont il project da sanaziun e valurisaziun dil baghetg dalla Scola Sedrun. Pér cura che l'informaziun ei terminada e la runda da damondas ei alla fin, vegnan ils resultats vegni prelegi e las ulteriuras votaziuns succedan. Cheutras corrispunda la successiun dallas tractandas dil protocol buc alla successiun dalla radunonza da vischnaunca.)

Resultat dall'elecziun dalla cumissiun da baghegiar:

Cedels reparti:	62
Cedels inoltrai:	62
Cedels vits e nunvaleivels:	0
Cedels valeivels:	62

Eligi pil trienni 2026-2029 ella cumissiun da baghegiar ein:

Bruno Caduff	54 vuschs
Ursin Schmid	43 vuschs
Martin Cavegn (92)	39 vuschs
Hubert Solèr	38 vuschs

Resultats dils buc-eligi:

Gabriel Giossi	25 vuschs
Vendelin Cavegn	14 vuschs

Il president declara che cun quei che Martin Cavegn (92) seigi vegnius eligius sco commember dalla cumissiun da baghegiar, crodi el naven sco suppleant. Vendelin Cavegn seigi ordavon semess a disposiziun sco candidat per il post da suppleant. Il president damonda sch'ei detti aunc ulteriuras propostas pil post da suppleant. Quei ei buc il cass.

Cunquei ch'ei ha pia buca dapli candidats che posts libers, succeda l'elecziun cun maunpli. Il president communal fa la proposta da far la votaziun per las suandontas duas personas en globo:

Vendelin Cavegn, 1972, responsabel da project, Rueras (niev)

Marcus Munsch, 1952, pensiunau, Sedrun (veder)

Elecziun

Vendelin Cavegn e Marcus Munsch ein eligi unanimamein sco suppleants per la cumissiun da baghegiar pil trienni 2026-2029.

Tier l'elecziun dallas commembras e dils commembers per la cumissiun da verificaziun tschenta il president communal medemamein la damonda sch'ei detti ulteriuras propostas. Quei ei buc il cass ed era cheu succeda l'elecziun dallas suandontas persunas en globo cun maunpli.

Flurina Deragisch, 1973, planisadra, Bugnei (veder)

Rezia Giger, 1984, ergoterapeuta, Selva (veder)

Guido Flepp, 1959, pensiunau, Rueras (veder)

Elecziun

Flurina Deragisch, Rezia Giger e Guido Flepp ein eligi unanimamein sco commembers e commembras per la cumissiun da verificaziun pil trienni 2026-2029.

Tractanda 4 Informaziun davart il project da sanaziun e valurisaziun dil baghetg dalla Scola Sedrun

Il president communal declara ch'ei mondi oz per in'informaziun davart sanaziun e valurisaziun dil baghetg da scola, dalla casa dil pedel, dalla scoletta e dalla sala da cultura; buca per ina debatta politica. Quella tractaziun hagi liug ils 19 d'uost 2026 cura ch'ei vegni votau davart il credit per la sanaziun dil baghetg da scola.

Il president fa in cordial beinvegni agl architect Robert Albertin, il qual ha gia sanau enqual casa da scola. Plinavon beneventa il president communal igl architect André Maissen che ha surpriu la calculaziun dils cuosts pil project. Era la gruppa da lavur ch'ei s'occupada culla sanaziun e valurisaziun dil baghetg dalla Scola Sedrun vegn menziunada. Il president communal surpren l'introducziun e declara ch'il baghetg da scola seigi vegnius baghegiaus igl onn 1962. Suententer quei temps hagi ei dau diversas etappas da sanaziun.

Silsuenter pren il gerau dil departament da baghegiar il plaid e declara l'incarica dalla gruppa da lavur e che quella secumponi dalla meinascola, dil pedel, dil president dil cussegl da scola ed dil gerau dil departament scola ed educaziun.

La meinascola declara las adattaziuns vid il baghetg da scola e surtut vid las stanzas d'instrucziun. La moda d'instrucziun d'ozildi seigi semidada pulitamein en cumparegliaziun cun avon 20 onns.

Igl architect Robert Albertin pren il plaid e declara las adattaziuns al baghetg sin fundament dils plans. El accentuescha las mesiras che seigien indispensablas sch'ins entscheivi a sanar il baghetg. Quei fussen la segirtad encunter tiaratriembels, la segirtad en cass d'incendi e la creaziun d'access per persunas handicapadas che sesan per exempel en sutga da rodas. Plinavon declara el che la suprastanza communal hagi dau al biro d'architectura l'incarica da planisar aschia la sanaziun, ch'ins sappi utilisar il baghetg da scola en in'autra moda; per exempel sco biros, ateliers ni habitaziuns. L'idea ei pia da realisar ina sanaziun che possibilitescha in nez multifunziunal dil baghetg.

André Maissen declara la calculaziun dils cuosts ed accentuescha che rodund francs 4 milliuns seigien cuosts concernent la segirtad e per persunas cun handicap. Quels francs 4 milliuns seigien cunteni els cuosts da calculaziun totals da rodund francs 8.9 milliuns.

Il davos pren il gerau dil departament da baghegiar aunc ina gada il plaid e declara il plan da termins sco era la situaziun cul provisorio da scola. Ins seigi aunc en contractivas culs possessurs dall'anteriura fabrica SMART e plinavon fetschien ins sclariments schebein agens locals da vischnaunca vegnessien en damonda sco provisorio per l'instrucziun dils scolars e dallas scolaras.

Tractanda 5 Orientaziuns

Il president communal declara che la suprastanza communal hagi elavurau la strategia ed il plan da lavur per la legislatura pil proxim trienni. La strategia ed il plan vegnien proximamein presentai al pievel.

Il gerau dil departament da baghegiar orientescha davart il glatsch. La suprastanza ha affittau per la sesiun d'unviern 2026/2027 plattas artificialas cun quei ch'ei vegn adina pli grev da mantener in bien glatsch natural muort las caudas temperaturas. El appellescha d'empruar ora il glatsch. Il fevrer 2027 vegni ei a dar ina radunonza da vischnaunca nua ch'ei vegni decidiu davart il credit per quei glatsch artificial.

Plinavon informescha el che la suprastanza hagi intervegnu el cass dalla puorla che vegn caschunada giul Drun e che las fatschentas da baghegiar hagian gia mess entuorn mesiras per reducir la puorla.

Tractanda 7 Varia

Silvio Schmid pren il plaid ed engrazia a tuts che han votau per el ed el selegra fetg da quella nova sfida.

Il president communal engrazia per la presenza, la participaziun e la confidanza. El siara la radunonza da vischnaunca allas 20.49 e giavischa in bien retuorn a casa.

Protocollista:
Simona Giossi

President communal:
Martin Cavegn